

Cofnodion cyfarfod cyffredin **CYNGOR TREF RHUTHUN** a gynhaliwyd yn Siambr y Cyngor, Neuadd y Sir, Ffordd Wynnstay, Rhuthun, nos Lun, 23 Ebrill 2018, am 7:00pm.

PRESENNOL: Y Cynghorwyr Jim Bryan (Maer) ac Ian Lewney (Dirprwy Faer)
Y Cynghorwyr Keiran Allsopp-Robson, Stephen Beach, Gavin Harris,
Ken Hawkins, John Wynne Hughes, Menna Jones, Robert Owen-Ellis, Ifan Wyn
ac Emrys Wynne. Hefyd yn bresennol y Cynghorydd Sir Bobby Feeley.

Croesawodd y Maer aelodau'r cyhoedd i'r cyfarfod fel rhan o Wythnos Dyfodol Rhuthun.

239. YMDDIHEURIADAU AM ABSENOLDEB

Derbyniwyd ymddiheuriadau am absenoldeb gan y Cynghorwyr Dave Snape, Rosie Hughes, Anne Roberts a Heather Williams.

240. CYFLWYNIAD GAN GYMDEITHAS ONLINE WATCH LINK ASSOCIATION SIR Y FFLINT A WRECSAM

Croesawodd y Maer Denise Edwards, Prif Swyddog a'r Llywodraethwr Bill Brereton, a roddodd gyflwyniad ar waith y Gymdeithas uchod a'r gweithgareddau arfaethedig yn Rhuthun.

Gwnaethant bwysleisio eu bod yn fudiad elusennol ar wahân i Heddlu Gogledd Cymru, sy'n ymwneud â diogelwch a chydnerthedd cymunedol. Estynnwyd gwahoddiad i'r aelodau ymweld â'u swyddfeydd yn yr Wyddgrug.

PENDERFYNWYD: *nodi'r cyflwyniad.*

241. CYFLWYNIAD YNGHYLCH KINGDOM

Gan nad oedd y swyddog a ddisgwyliid i gyflwyno'r cyflwyniad yn bresennol

PENDERFYNWYD: *gohirio'r eitem tan y cyfarfod nesaf.*

242. DATGAN BUDDIANNAU

Ni chafwyd unrhyw ddatganiadau o fuddiannau.

243. ADRODDIAD Y MAER

Adroddodd y Maer ei fod wedi bod yn y digwyddiadau a ganlyn.

28.03 Digwyddiad Hafal yn Neuadd y Pentref, Trefnant

Cyfarfod Pwyllgor Gefeillio Rhuthun

29.03 Cyfarfod gyda Jon Chapman, Rheolwr Strydlun a Phrifyrdd, De Sir Ddinbych

04.04 Agoriad swyddogol siop Mr Wheely Shine, Stryd y Ffynnon, Rhuthun

05.04 Dathliad arddangosfa 'Ar gyfer y Bwrdd' gan Gwmni'r Gofaint Aur yn y Ganolfan Grefft

07.04 Taith i weld y datblygiadau diweddaraf yng Nghlwb Peldroed Rhuthun a gwyllo'r gêm

11.04 Cyfarfod gweithgor Dyfodol Rhuthun

16.04 Cyfarfod Pwyllgor Gŵyl Rhuthun

18.04 Cyflwyniad gan Theatr Ieuentid Rhuthun yn y Clwb Rygbi

20.04 Cyfarfod chwarterol Cymdeithas Cynghorau Lleol Gogledd a Chanolbarth Cymru yn y Trallwng

244. ADRODDIADAU'R AELODAU

Cyng. Keiran Cyfarfod Gweithgor Dyfodol Rhuthun.

Allsopp-Robson

Cyng. Stephen Beach

Cyfarfod Gweithgor Dyfodol Rhuthun, digwyddiad ymgysylltu Panel Adolygu Annibynnol Cymru yn Wrecsam, cyfarfodydd Pwyllgor Gŵyl Rhuthun, Atgofion Rhuthun yn y Llyfrgell, cyfarfod gydag Andy Edwards, Cadeirydd Clwb Peldroed Rhuthun ynghylch mynediad i'r anabl yn y clwb peldroedd a chyfarfod chwarterol Cymdeithas Cynghorau Lleol Gogledd a Chanolbarth Cymru yn y Trallwng.

Cyng. Gavin Harris

Cyfarfod Gweithgor Dyfodol Rhuthun, cyfarfod gyda Tom Booty, Adran

Cyng. Ken Hawkins	Rheoli Asedau Cyngor Sir Ddinbych, cyfarfod gyda Jon Chapman, Rheolwr Priffyrdd a Strydwedd De Sir Ddinbych.
Cyng. Robert Owen-Ellis	Ymgyrch tacluso'r dref. Mawrth:- Pedair sesiwn Banc Bwyd, cyfarfod Cymdeithas Llywodraethwyr Sir Ddinbych, cyngerdd myfyrwyr TGAU a Safon Uwch Ysgol Brynhyfryd, cyfarfod Gweithgor Dyfodol Rhuthun ac ymgyrch tacluso'r dref. Ebrill:- Pedair sesiwn Banc Bwyd a chyfarfod is-bwyllgor Cangen Rhuthun y Banc Bwyd i drafod dyfodol y banc bwyd.
Cyng. Menna Jones	Ymgyrch tacluso'r dref, cyfarfod gyda Jon Chapman, Rheolwr Priffyrdd a Strydwedd De Sir Ddinbych a chyfarfod Gweithgor Dyfodol Rhuthun.
Cyng. Anne Roberts	Cyfarfodydd Ymlaen Rhuthun, cyfarfod Statws Croesawu Bysiau Moethus Rhuthun, cyfarfod Gweithgor Dyfodol Rhuthun, prosiect 'gweithio gyda'n gilydd' Ysgol Borthyn yn y Ganolfan Grefft, cyfarfod Drysau Agored Cymdeithas Ddinesig Rhuthun a'r Cylch, cyfarfod y Grŵp Dinesydd da, agoriad swyddogol siop Mr Wheely Shine, Fforwm i'r rhai dros 50 yn Llys Erw, cyfarfod Gweithgor Dyfodol Rhuthun a chyfarfod Cymdeithas Ddinesig Rhuthun a'r Cylch.
Cyng. Heather Williams	Mawrth:- cyfarfod Statws Croesawu Bysiau Moethus Rhuthun, cyfarfod Pwyllgor Rheoli Awelon, ymgyrch tacluso'r dref. Ebrill:- Cyfarfod Gweithgor Dyfodol Rhuthun.
Cyng. Ifan Wyn	Ymgyrch tacluso'r dref.
Cyng. Emrys Wynne	Cyflwyno deiseb i Fanc Barclays, Dinbych, i alw am gadw canghennau Rhuthun a Dinbych.

245. COFNODION Y CYFARFOD CYFFREDIN BLAENOROL

PENDERFYNWYD: *cadarnhau bod cofnodion y cyfarfod a gynhaliwyd ar 26 Mawrth 2018 yn gywir.*

246. MATERION YN CODI

Gofynnodd aelod am ragor o wybodaeth gan Grŵp Llandrillo Menai ynghylch cau Coleg Cymunedol Dinbych yn dilyn y cyfarfod Llywodraethwyr ar 19 Ebrill 2018.

247. COFNODION Y PWYLLGOR CYNLLUNIO A DATBLYGU

Tynnodd Gadeirydd y pwyllgor sylw at eitemau o gofnodion y cyfarfod a gynhaliwyd ar 9 Ebrill 2018.

PENDERFYNWYD: *derbyn cofnodion y cyfarfod a gynhaliwyd ar 9 Ebrill 2018.*

248. COFNODION Y PWYLLGOR AMWYNDERAU

Tynnodd Gadeirydd y pwyllgor sylw at eitemau o gofnodion y cyfarfod a gynhaliwyd ar 9 Ebrill 2018.

PENDERFYNWYD: *derbyn cofnodion y cyfarfod a gynhaliwyd ar 9 Ebrill 2018 a gwneud ymholiadau ynghylch cael dau ddiwrnod parcio am ddim ychwanegol, gyda Chyngor Tref Rhuthun yn talu'r costau.*

249. DINESYDD DA / PERSON IFANC / GRŴP CYMUNEDOL Y FLWYDDYN 2018

Gofynnodd yr aelodau am ystyried yr eitem hon fel eitem Rhan II ar ddiwedd y cyfarfod.

PENDERFYNWYD: *trafod yr argymhellion yn breifat ar ddiwedd y cyfarfod.*

250. COFRESTRIAD DIOGELU DATA

Derbyniodd yr aelodau hysbysiad am y gofyniad i adnewyddu cofrestriad diogelu data Cyngor Tref Rhuthun ar gost o £35.00.

PENDERFYNWYD: *adnewyddu'r cofrestriad diogelu data.*

251. RHEOLIADAU DIOGELU DATA CYFFREDINOL (GDPR)

Esboniodd y Clerc y gweithredoedd sy'n digwydd i baratoi ar gyfer cyflwyniad y Rheoliadau, sef sicrhau diweddarau'r Polisi Diogelu Data a Gwybodaeth, dosbarthu ffurflen caniatâd i gadw gwybodaeth gyswllt a hysbysiad preifatrwydd e-bost, yn dilyn cwblhau arolwg data. Esboniodd hefyd bod Cynghorau Tref a Chymuned yn aros am gadarnhad a oes angen iddynt benodi Swyddog Diogelu Data ai peidio. Holodd yr aelodau a oedd unrhyw hyfforddiant ar gael i Gynghorwyr ynghylch y Rheoliadau Diogelu Data Cyffredinol.

PENDERFYNWYD: gwahodd Gary Williams, Pennaeth Gwasanaethau Cyfreithiol Cyngor Sir Ddinbych, i anerch y cynghorwyr ar ofynion y Rheoliadau Diogelu Data Cyffredinol.

252. WYTHNOS DYFODOL RHUTHUN

Darparodd y Cynghorydd Gavin Harris ddiweddiariad, yn amlinellu bod y Gweithgor wedi cyfarfod a bod yr aelodau'n cyflawni tasgau ar gyfer wythnos Dyfodol Rhuthun, i'w chynnal rhwng 22 a 30 Ebrill. Yr holl fanylion ar www.rhuthun.com. Roedd nifer o fusnesau lleol wedi cyfrannu deunyddiau tuag at yr arddangosfa yn Stiwdio 2 yn y Ganolfan Grefft ac anogodd bawb yn y cyfarfod i ymweld â'r arddangosfa a mynd i ddiwyddiadau'r wythnos.

PENDERFYNWYD: nodi'r diweddiariad.

253. CLWB IEUENCTID RHUTHUN

Gofynnodd y Maer i'r aelodau ystyried y ddarpariaeth clwb ieuencid yn Rhuthun, sef pedair awr yr wythnos yn y Neuadd Ymarfer ar hyn o bryd. Gofynnwyd i fyfyrwyr Ysgol Brynhyfryd am eu barn, a gwnaethant esbonio eu bod yn cymryd rhan yng ngweithgareddau Gwobr Dug Caeredin a'u bod yn medru gyrru i Ddinbych i gymryd rhan yn y gweithgareddau. Byddai ganddynt ddiddordeb mewn darpariaeth chwaraeon amgen fel cicfocsio. Cynigiodd y Cynghorydd Gavin Harris ychwanegu adran am sylwadau ar hyn i'r arddangosfa.

PENDERFYNWYD: gwahodd cynrychiolydd o Wasanaethau Ieuencid Cyngor Sir Ddinbych i ddod i gyfarfod.

254. COFFÁU CANMLWYDDIANT DIWEDD Y RHYFEL BYD CYNTAF

Yn sgîl absenoldeb y Cynghorydd Rosie Hughes

PENDERFYNWYD: gohirio'r eitem hon tan y cyfarfod nesaf.

255. CYNHADLEDD AR Y CYD SLCC AC UN LLAIS CYMRU

Gofynnwyd i'r aelodau ystyried gwahoddiad i fynd i gynhadledd ar y cyd yn Llandrindod ar 16 Mai ar gost o £75 + TAW. Mynegodd y Clerc ddiddordeb mewn mynd i'r gynhadledd gan fod eitem ar y Rheoliadau Diogelu Data Cyffredinol ar yr agenda.

PENDERFYNWYD: caniatáu i'r Clerc fynd i'r Gynhadledd ar y cyd ar 16 Mai.

256. CCLA INVESTMENT MANAGEMENT LIMITED

Gofynnwyd i'r aelodau ystyried buddsoddiad posibl gyda Chronfa Adneuo CCLA, yn dilyn yr hysbysiad gan Undeb Credyd Cambrian eu bod yn cyflwyno uchafswm o £30,000 ar falansau. Gofynnodd aelod a oedd modd i'r Cyngor Tref fuddsoddi mewn 'premium bonds' gan eu bod yn cynnig gwell cyfradd enillion.

PENDERFYNWYD: cyfeirio'r mater i'r Is-bwyllgor Craffu Ariannol i'w ystyried yn fanwl.

257. CYFRIFON AM Y FLWYDDYN YN DIWEDDU 31 MAWRTH 2018

Gofynnwyd i'r aelodau dderbyn a chymeradwyo'r cyfrifon am y flwyddyn yn diweddu 31 Mawrth 2018. Nododd aelod y dylid ychwanegu'r diffibrilydd a'r cabinet at y Gofrestr Asedau. Roedd gan rai penawdau symiau wedi'u dyrannu nad oeddynt wedi'u defnyddio, a chytunwyd i ryddhau arian a ddyrannwyd ar gyfer Mynwent Llanrhydd a Pharth y Cyhoedd i'r gronfa gyffredinol.

PENDERFYNWYD: derbyn a chymeradwyo'r cyfrifon ac i'r Maer eu llofnodi.

258. DATGANIAD ARIANNOL

Gofynnwyd i'r aelodau gymeradwyo'r Datganiad Ariannol am y cyfnod yn diweddu 31 Mawrth 2018.

PENDERFYNWYD: *derbyn a chymeradwyo'r Datganiad Ariannol am y cyfnod yn diweddu 31 Mawrth 2018.*

259. HYSBYSIAD ARCHWILIAD ALLANOL

Hysbyswyd yr aelodau mai'r trefniadau archwiliad allanol ar gyfer 2017/18 gan BDO oedd arddangos yr hysbysiad rhwng 21 Mai a 3 Mehefin, gyda'r cofnodion ar gael rhwng 4 Mehefin a 29 Mehefin, a'u cyflwyno i BDO erbyn dyddiad yr archwiliad, sef 2 Gorffennaf 2018.

PENDERFYNWYD: *derbyn yr hysbysiad.*

260. CYFRIFON I'W TALU

PENDERFYNWYD: *cymeradwyo talu'r eitemau a ganlyn.*

5153	Cyfarfod chwarterol Cymdeithas Cynghorau Lleol Gogledd a Chanolbarth Cymru	2 ginio		£32.00
5154	Sandra Williams	Cyflog dyledus		£34.20
5155	Viking	Papur A4 a 100 o stampiau ail ddsbarth	*	£94.96
5156	Smith of Derby	Cytundeb gwasanaethau clociau tair blynedd tan 31/01/21	*	£620.40
5157	CoombsJones	Ffi dechreuol prosiect Rhuthun y Dyfodol		£1,150.00
5158	Llanfwrog CIC, The Centre	Torri glaswellt – Mawrth ac Ebrill 2018		£528.39
5159	Blachere Illumination	Llogi'r goleuadau – cytundeb tair blynedd, 2il flwyddyn 2018	*	£3,789.25
G.S.	Canda Copying	Rhentu a chopïau isafswm	*	£129.14
5160	Canda Copying	Copïau du a gwyn ychwanegol	*	£20.81
5161	Canda Copying	Copïau lliw ychwanegol	*	£26.94
5162	Cyllid a Thollau Ei Mawrhydi	Treth incwm ac Yswiriant Gwladol		£282.30
5163	Marian Rees	Gwasanaeth cyfieithu ar y pryd	*	£180.00
5164	Aerial Electrics Limited	Goleuadau ar y coed Nadolig	*	£3,952.80
5165	Aerial Electrics Limited	Adnewyddu'r tanwyr ar lifoleuadau wyneb y de Eglwys Sant Pedr	*	£135.00
5166	Canda Copying	Copïau lliw ychwanegol terfynol	*	£1.39
5167	Canda Copying	Copïau du a gwyn ychwanegol terfynol	*	£1.01
5168	Canda Copying	Rhentu a chopïau isafswm terfynol	*	£41.90

RHAN DAU

Cynigiwyd ac eiliwyd cynnal y cyfarfod yn breifat ar gyfer yr eitem a ganlyn. Gadawodd y cyhoedd y Siambr ar y pwynt hwn.

261. DINESYDD DA / PERSON IFANC / GRŴP CYMUNEDOL Y FLWYDDYDYN 2018

Derbyniodd yr aelodau gofnodion cyfarfod y Grŵp Dinesydd Da, a'r argymhellion ynghylch y rhai i dderbyn y gwobrau eleni.

PENDERFYNWYD: *derbyn y cofnodion a chytunwyd ar enwebiadau enillwyr y gwobrau yn 2018 yn unfrydol.*

262. DYDDIADAU'R CYFARFODYDD NESAF

PENDERFYNWYD: *cadarnhau mai dyddiad y Cyfarfod Blynyddol fydd nos Lun, 14 Mai a dyddiad y cyfarfod cyffredin nesaf fydd nos Lun, 21 Mai 2018 am 7.00pm.*